

mā diligamus, sensus est, quòd appetitus noster sensitivus Deo unicè adhærere debeat, quòdque totam nostram vitam, non partem aliquam vitæ Deo consecrare debeamus: Quando requirit, ut Deum ex totâ mente diligamus, sensus est, quòd omnes nostras cogitationes ad Dei amorem dirigere debeamus: Quando requirit, ut Deum diligamus ex totâ virtute, sensus est, quòd omnes animæ vires & omnia corporis membra, intellectum, voluntatem, sensûs interiores & exteriores, appetitum, sermonem, adeòque quicquid habemus & quicquid possumus, ad Dei dilectionem & obedientiam ex dilectione DEI promanantem dirigere debeamus. Quisquis autem Patrem familias verè diligit, totam etiam ejus domum favore complectetur: Ergò, quo simus erga Patrem cælestem affectu, conveniet erga familiam ejus ostendere ac demonstrare: Proximi enim sumus conditione terrenæ nativitatis, & fratres spe cælestis hæreditatis.

*Quod ergo Discipulos meos attinet, JOHANNES Beier Ortrantò Misnicus Chori Symphoniaci præfectus secundus ad nos accessit mense Martio anni MDCLIIIij, ubi per annos primores beneficio communis seu civilis apud nos prandij, postea verò liberalis hospitij fructus usus fuit, & interea temporis in studiis laudabile incrementum fecit, namque jam tum de Evangelio tum de Gratitude suâ suorumque duorum Commilitonum Carmen Latinum Hexametrum recitaturus septimâ vice publicè perorabit, ad quem numerum per hanc vicennalem meam docturam Budiff. Scholasticam nemo ascendit. Anno LIX. in festo Pentecostes carmen Heroicum Latin. recitavit, ac post Elegiacum de Angelis in festo Michaelis. Anno LX. sermone Latino prorsò Votum Januarii effudit, & post Cal. Septembr. de Tempore physicè considerato stylo eod. Anno LXI. mensè Februar. de Musicâ, sermone iterum prorsò; ac ligato post iterum in festo Pentecostali de hieroglyphicâ Spiritus S.*